

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA MAGLAJ  
OPĆINSKA IZBORNA KOMISIJA  
Broj: OIK-30/21  
Maglaj, 04.05.2021. godine

## IZVJEŠTAJ O RADU OPĆINSKE IZBORNE KOMISIJE MAGLAJ ZA 2020. GODINU

Općinska izborna komisija Maglaj (u daljem tekstu: OIK Maglaj) u sastavu Tea Zamboni (član), Mario Ninković (član) i Armin Bašić (predsjednik) zakonom propisane dužnosti obavlja od mjeseca maja 2018. godine. U toku 2020. godine, član Tea Zamboni je podnijela ostavku, te je u mjesecu avgustu zamjenjena sa zamjenskim članom Anisom Pračić-Šehić, koja svoju dužnost obavlja do izbora stalnog člana OIK Maglaj.

U mjesecu maju 2020. godine imenovan je i sekretar OIK-a za obavljanje administrativno-tehničkih poslova. Za sekretara OIK Maglaj imenovana je Mirela Mahmutagić koja je svoj posao obavila izuzetno profesionalno i odgovorno.

OIK Maglaj je na svim sjednicama radio u punom sastavu i odluke je donosio jednoglasno.

S obzirom da je 2020. godina bila izborna godina, članovi OIK Maglaj su održali sastanke sa predstavnicima nevladinih organizacija, OSCE-a, MUP-a, te su prisustvovali obaveznim edukacijama održanim od strane CIK BiH.

Prema Izbornom zakonu BiH, Općinska izborna komisija:

1. nadgleda i kontroliše rad Centra za birački spisak
2. određuje biračka mjesta na području općine za glasanje na svim nivoima vlasti u Bosni i Hercegovini
3. provodi postupak imenovanja, imenuje i obučava članove biračkog odbora,
4. brine o sigurnosti i dostavi biračkim odborima izbornog materijala za glasanje na svim nivoima izbora u Bosni i Hercegovini,
5. obavještava birače o svim informacijama neophodnim za provedbu izbora, u skladu sa propisima Centralne izborne komisije BiH,
6. odgovorna je za uređenje biračkog mjesta i druge tehničke pripreme za izbore,
7. odgovorna je za pravilno brojanje glasačkih listića na biračkim mjestima i u općinskim centrima za brojanje,
8. objedinjuje rezultate izbora sa svih biračkih mjesta u općini, posebno za svaki organ za koji je vršen izbor, i dostavlja ih Centralnoj izbornoj komisiji BiH i
9. obavlja druge poslove u skladu sa zakonom i propisima Centralne izborne komisije BiH.

Imajući u vidu gore navedene nadležnosti u nastavku izvještaja donosimo kratak pregled najznačajnijih izbornih aktivnosti koje su provedene od strane OIK Maglaj.

### 1) Biračka mjesta

OIK Maglaj je u zakonom propisanom roku odredio 32 biračka mjesta, jedno biračko mjesto za glasanje u odsustvu i za glasanje nepotvrđenim glasačkim listićima, te dva mobilna tima. Za objekte u kojima su bila biračka mjesta izabrane su škole, prostorije mjesnih zajednica, društveni domovi, te privatni poslovni prostori. Kao i na prethodnih izborima, 5 biračkih mjesta je bilo smješteno u privatnim poslovnim prostorima. Sa vlasnicima privatnih poslovnih prostora su sklopljeni ugovori o zakupu, koji su isplaćeni u roku od dva mjeseca od dana održavanja izbora. Važno je napomenuti da je OIK Maglaj izvršio krajnji napor da zadrži postojeće lokacije biračkih mjesta, s obzirom da su izbori održani u uslovima virusa Covid-19. Posebno ću istaknuti da OIK Maglaj za iduće izbore neće zadržati postojeće lokacije ukoliko se pojedine prostorije ne uredi za normalno funkcionisanje, s obzirom da smo imali različite primjedbe na uslove u pojedinim prostorijama. OIK Maglaj je izvršio razdvajanje biračkog mjesta 042A014 Ravna (birači iz naseljenih mjesta Ravna i Oruča), te je formirao dva biračka mjesta: 042A014 Ravna i 042A027 Oruča.

### 2) Imenovanje i obuka biračkih odbora

OIK Maglaj je izvršio imenovanje članova biračkih odbora, dok je obuka članova biračkih odbora izvršena od strane stručnog predavača, iz razloga što se predsjednik OIK Maglaj razbolio neposredno pred obuku biračkih odbora i nije bio u mogućnosti da održi obuku. Važno je istaknuti i da se u navedenom periodu zamjenski član OIK Maglaj razbolio, te je sekretar OIK Maglaj pomagao prilikom obuke.

Dodatnu obuku predsjednika i zamjenika predsjednika biračkih odbora vršio je predsjednik OIK Maglaj zajedno sa stručnim predavačem. S obzirom da su Lokalni izbori 2020. godine praćeni i određenim izmjenama, predsjednik OIK Maglaj je konstantno bio dostupan članovima biračkih odbora, kao i političkim subjektima.

OIK Maglaj je imao poteškoća sa velikim brojem odustajanja od članstva u biračkim odborima, te je OIK Maglaj uložila velike napore kako bi adekvatno popunila biračke odbore.

### 3) Akreditovanje posmatrača

OIK Maglaj je izvršio akreditovanje svih predloženih posmatrača, te dostavio uredno popunjenje iskaznice za sve posmatrače zajedno sa odlukom o imenovanju posmatrača svim političkim subjektima koji su predložili posmatrače. Rad biračkih odbora su pratili i posmatrači nevladinih organizacija, kao i međunarodni posmatrači.

#### 4) Proces glasanja

Sva biračka mjesta su bila uredno i adekvatno pripremljena za proces glasanja. Na svim biračkim mjestima nalazila su se potrebna higijenska sredstva propisana Aktom CIK BiH, a koja su nabavljena od strane Općine Maglaj.

Svi birački odbori su na vrijeme u 07,00 sati otvorili, te u 19,00 sati zatvorili biračka mjesta. Proces glasanja je prošao bez većih poteškoća i incidenata na biračkim mjestima.

Pojedini predsjednici biračkih odbora su naveli da im je bilo hladno u prostorijama u kojima su boravili, te su u tom pogledu bili nezadovoljni prostorijama koje su određene za glasanje. Imajući u vidu navedeno OIK Maglaj će za naredne izbore izvršiti i promjenu lokacija određenih biračkih mjesta.

#### 5) Unos i obrada izbornih rezultata

Na unosu i obradi izbornih rezultata, pored zaposlenika Centra za birački spisak bili su angažovani i članovi općinske administracije. Važno je istaknuti da osobe koje su radile na unosu i obradi podataka su svoj posao obavile korektno.

#### 6) Komunikacija sa političkim subjektima

OIK Maglaj je svoje akte objavljivao na službenoj stranici Općine Maglaj, te na oglasnoj tabli Općine Maglaj. Veći broj akata je objavljen i na RTV Maglaj. Važno je istaknuti da je predsjednik OIK Maglaj bio dostupan svim političkim subjektima, članovima biračkih odbora, te biračima i putem privatnog telefona, e-maila, kao i putem društvenih mreža, te je redovno održavao komunikaciju sa članovima biračkih odbora i političkim subjektima.

OIK Maglaj ima za potrebu da ukaže da su Lokalni izbori 2020. godine provedeni uspješno, te da je OIK Maglaj ostvario dobru saradnju i komunikaciju, kako sa političkim subjektima, medijima, biračkim odborima, tako i sa biračima.

#### 7) Poteškoće u radu Općinske izborne komisije Maglaj

OIK Maglaj je imala ogromnih poteškoća sa informatičkom opremom, prvenstvo sa uređajem za printanje/kopiranje/skeniranje. U kancelariji OIK Maglaj se nalazi jedan printer i jedan uređaj koji ima opciju za printanje/kopiranje i skeniranje. Nažalost i pored krajnjeg napora IT stručnjaka koji je zaposlen u Općini Maglaj navedeni uređaji nisu mogli uspješno funkcionisati. OIK Maglaj smatra da je neophodno nabaviti novi aparat za printanje/skeniranje/kopiranje ili ustupiti jedan takav aparat OIK Maglaj na korištenje u izbornom periodu. Većinu akata je predsjednik OIK-a donosio u kancelariju OIK Maglaj već isprintane, a za one koje je bilo potrebno umnožiti, predsjednik OIK Maglaj ili sekretar OIK

Maglaj su ostajali poslije 16:00h u Općini, kako bi iste umnožili na centralnom aparatu za kopiranje.

OIK Maglaj je imao problema i sa zamjenskim članom, koji je odbijao da obavlja svoje zadatke ili je zadatke obavljao neuredno i sa ogromnim brojem grešaka. Nakon okončanja izbornog dana, zamjenski član je odbio da učestvuje u radu OIK Maglaj. S obzirom na navedeno važno je istaknuti da je sekretar OIK Maglaj obavljao poslove zamjenskog člana i uveliko olakšao rad ostalim članovima OIK Maglaj.

**DOSTAVLJENO:**

1. Općinsko vijeće
2. Arhiva



**PREDSJEDNIK OIK MAGLAJ**

Armin Bašić, mag.iur.